

心地廣菩薩本願經卷中

祐乘

地藏菩薩本願經卷中

地藏菩薩本願經。地獄名号品第五

爾時普賢菩薩摩訶薩。白地藏菩薩言。仁

者。願為天龍四衆。及未來現在一切衆生。

說娑婆世界。及閻浮提罪苦衆生所受報



處。地獄名号。及惡報等事。使未來世末法  
衆生。知是果報。地藏答言。仁者。我今承佛  
威神。及大士之力。略說地獄名号。及罪報  
惡報之事。仁者。閻浮提東方有山。号曰鐵  
圍。其山黑邃。無日月光。有大地獄。号極無  
間。又有地獄。名大阿鼻。復有地獄。名曰四  
角。復有地獄。名曰飛刀。復有地獄。名曰火  
箭。復有地獄。名曰夾山。復有地獄。名曰通  
槍。復有地獄。名曰鐵車。復有地獄。名曰鐵  
床。復有地獄。名曰鐵牛。復有地獄。名曰鐵

衣。復有地獄。名曰千刃。復有地獄。名曰鐵  
驢。復有地獄。名曰洋銅。復有地獄。名曰抱  
柱。復有地獄。名曰流火。復有地獄。名曰耕  
舌。復有地獄。名曰剉首。復有地獄。名曰燒  
脚。復有地獄。名曰嚼眼。復有地獄。名曰鐵  
丸。復有地獄。名曰諍論。復有地獄。名曰鐵  
銖。復有地獄。名曰多瞋。地藏言。仁者。鐵圍  
之內。有如是等地獄。其數無限。更有叫喚  
地獄。拔舌地獄。糞尿地獄。銅鑊地獄。火象  
地獄。火狗地獄。火馬地獄。火牛地獄。火山

地獄。火石地獄。火床地獄。火梁地獄。火鷹  
地獄。鋸牙地獄。剥皮地獄。飲血地獄。燒手  
地獄。燒脚地獄。倒刺地獄。火屋地獄。鐵屋  
地獄。火狼地獄。如是等地獄。其中各各復  
有諸小地獄。或一。或二。或三。或四。乃至百  
千。其中名号。各各不同。地藏菩薩。告普賢  
菩薩言。仁者。此者皆是南閻浮提。行惡衆  
生。業感如是。業力甚大。能敵須彌。能深巨  
海。能障聖道。是故衆生。莫輕小惡。以爲無  
罪。死後有報。纖毫受之。父子至親。歧路各

別。縱然相逢。無肯代受。我今承佛威力。略說地獄罪報之事。唯願仁者。暫聽是言。普賢荅言。吾已久知。三惡道報。望仁者說。令後世末法。一切惡行衆生。聞仁者說。使令歸佛。地藏白言。仁者。地獄罪報。其事如是。或有地獄。取罪人舌。使牛耕之。或有地獄。取罪人心。夜叉食之。或有地獄。鑊湯盛沸。煮罪人身。或有地獄。赤燒銅柱。使罪人抱。或有地獄。使諸火燒。趁及罪人。或有地獄。一向寒冰。或有地獄。無限糞尿。或有地獄。

純飛鏃。或有地獄。多攢火槍。或有地獄。唯撞脊背。或有地獄。但燒手足。或有地獄。盤繳鐵虵。或有地獄。驅逐鐵狗。或有地獄。盡駕鐵騾。仁者如是等報。各各獄中。有百千種業道之器。無非是銅。是鐵。是石。是火。此四種物。衆業行感。若廣說地獄罪報等事。一一獄中。更有百千種苦楚。何況多獄。我今承佛威神。及仁者問。略說如是。若廣解說。窮劫不盡。

地藏菩薩本願經。如來讚歎品第六

爾時世尊。舉身放大光明。遍照百千萬億。  
恒河沙等。諸佛世界。出大音聲。普告諸佛。  
世界一切諸菩薩摩訶薩。及天龍鬼神。人。  
非人等。聽吾今日。稱揚讚歎地藏菩薩摩。  
訶薩。於十方世界。現大不可思議威神慈。  
悲之力。救護一切罪苦之事。吾滅度後。汝。  
等諸菩薩大士。及天龍鬼神等。廣作方便。  
衛護是經。今一切衆生。證涅槃樂。說是語。  
已。會中有一菩薩。名曰普廣。合掌恭敬。而。  
白佛言。今見世尊。讚歎地藏菩薩。有如是。



不可思議大威神德。唯願世尊。爲未來世。末法衆生。宣說地藏菩薩。利益人天。因果等事。使諸天龍八部。及未來世衆生。頂受佛語。爾時世尊。告普廣菩薩。及四衆等。諦聽。諦聽。吾當爲汝略說地藏菩薩。利益人天。福德之事。普廣白言。唯然世尊。願樂欲聞。佛告普廣菩薩。未來世中。若有善男子。善女人。聞是地藏菩薩。摩訶薩名者。或合掌者。讚歎者。作禮者。戀慕者。是人超越三十劫罪。普廣。若有善男子。善女人。或彩畫

形像。或土石膠漆カビ金銀銅鐵。作此菩薩。一  
 瞻一禮者。是人百返。生於三十三天。永不  
 墮於惡道。假如天福盡。故下生人間。猶為  
 國王。不失大利。若有女人。厭女人身。盡心  
 供養。地藏菩薩畫像。及土石膠漆カビ銅鐵等  
 像。如是日日不退。常以華香。飲食衣服。繒  
 綵幢幡。錢寶物等。供養。是善女人。盡此一  
 報女身。百千萬劫。更不生有女人世界。何  
 況復受。除非慈願力。故要受女身。度脫眾  
 生。承斯供養。地藏力。故及功德力。百千萬

劫不受女身。復次普廣。若有女人。狀是醜  
陋。多疾病者。但於地藏像前。志心瞻禮。食  
頃之間。是人千萬劫中。所受生身。相貌圓  
滿。是醜陋女人。如不狀女身。即百千萬億  
生中。常爲王女。乃及王妃。宰輔大姓。大長  
者女。端正受生。諸相圓滿。由志心故。瞻禮  
地藏。獲福如是。復次普廣。若有善男子。善  
女人。能對菩薩像前。作諸伎樂。及歌詠讚  
歎。香花供養。乃至勸於一人多人。如是等  
輩。現在世中。及未來世。常得百千鬼神。日

夜衛護。不令惡事。輒聞其耳。何況親受諸  
橫。復次普廣。未來世中。若有惡人。及惡神  
惡鬼。見有善男子。善女人。歸敬。供養。讚歎  
瞻禮。地藏菩薩形像。或妄生譏毀。謗無功  
德。及利益事。或露齒笑。或背面非。或勸人  
共非。或一人非。或多人非。乃至一念生譏  
毀者。如是之人。賢劫千佛滅度。譏毀之報。  
尚在阿鼻地獄。受極重罪。過是劫已。方受  
餓鬼。又經千劫。復受畜生。又經千劫。方得  
人身。縱受人身。貧窮下賤。諸根不具。多被

寐厭鬼 一云 牀 一作

一向一本作 慘 無 字 作 不

惡業來結其心。不久之間。復墮惡道。是故  
普廣毀譏他人供養。尚獲此報。何況別生  
惡見毀滅。復次普廣若未來世。有男子女  
人。久處床枕。求生求死。了不可得。或夜夢  
惡鬼。乃及家親。或遊險道。或多厭寐。共鬼

神遊。日月歲深。轉復疋瘵。眠中叫苦。一向  
無樂者。此皆是業道論對。未定輕重。或難  
捨壽。或不得愈。男女俗眼。不辯是事。但當  
對諸佛菩薩像前。高聲轉讀此經一遍。或  
取病人可愛之物。或衣服寶具。莊園舍宅。

對病人前。高聲唱言。我某甲等。爲是病人。對經像前。捨諸等物。或供養經像。或造佛菩薩形像。或造塔寺。或然油燈。或施常住。如是三白病人。遣令聞知。假令諸識盡散。至氣盡者。乃至一日。二日。三日。四日。至七日。已來。但高聲白。高聲讀經。是人命終之後。宿殃重罪。至于五無間罪。永得解脫。所受生處。常知宿命。何況善男子。善女人。自書此經。或教人書。或自塑畫菩薩形像。乃至教人塑畫。所受果報。必獲大利。是故普

廣。若見有人。讀誦是經。乃至一念。讚歎是經。或恭敬者。汝須百千方便。勸是等人。勤心莫退。能得未來現在。千萬億。不可思議功德。復次普廣。若未來世。諸衆生等。或夢或寐。見諸鬼神。乃至諸形。或悲或啼。或愁或歎。或恐或怖。此皆是一生十生百生千生。過去父母。男女弟妹。夫妻眷屬。在於惡趣。未得出離。無處希望。福力救拔。當告宿世骨肉。使作方便。願離惡道。普廣。汝以神力。遣是眷屬。令對諸佛。菩薩像前。忘心自

讀此經。或請人讀。其數三遍。或七遍。如是  
惡道眷屬。經聲畢。是遍數。當得解脫。乃至  
夢寐之中。永不復見。復次普廣。若未來世。  
有諸下賤等人。或奴或婢。乃至諸不自由。  
之人。覺知宿業。要懺悔者。志心瞻禮地藏  
菩薩形像。乃至一七日中。念菩薩名。可滿  
萬遍。如是等人。盡此報後。千萬生中。常生  
尊貴。更不經三惡道苦。復次普廣。若未來  
世中。閻浮提內。刹利婆羅門長者居士。一  
切人等。及異姓種族。有新產者。或男或女。



七日之中。早與開讀。此不思議經典。更爲念菩薩名。可滿萬遍。是新生子。或男或女。宿有殃報。便得解脫。安樂易養。壽命增長。若是承福生者。轉增安樂。及與壽命。復次。普廣。若未來世衆生。於月一日。八日。十四日。十五日。十八日。二十三。二十四。二十八。二十九日。乃至三十日。是諸日等。諸罪結集。定其輕重。南閻浮提衆生。舉止動念。無不是業。無不是罪。何況恣情。殺害竊盜。邪婬妄語。百千罪狀。能於是十齋日。對佛菩

薩諸賢聖像前。讀是經一遍。東西南北。百  
由旬內。無諸災難。當此居家。若長若幼。現  
在未來。百千歲中。永離惡趣。能於十齋日。  
每轉一遍。現世今此居家。無諸橫病。衣食  
豐溢。是故普廣。當知地藏菩薩。有如是等。  
不可說百千萬億。大威神力。利益之事。閻  
浮衆生。於此大士。有大因緣。是諸衆生。聞  
菩薩名。見菩薩像。乃至聞是經三字五字。  
或一偈一句者。現在殊妙安樂。未來之世。  
百千萬生。常得端正。生尊貴家。爾時普廣

菩薩聞佛如來。稱揚讚歎。地藏菩薩已。胡  
跪合掌。復白佛言。世尊。我又知是大士。有  
如此不可思議神力。及大誓願力。爲未來  
衆生。遣知利益。故問如來。唯然頂受。世尊。  
當何名此經。使我云何流布。佛告普廣。此  
經有三名。一名地藏本願。亦名地藏本行。  
亦名地藏本誓願力經。緣此菩薩。久遠劫來。  
發大重願。利益衆生。是故汝等。依願流布。  
普廣聞已。合掌恭敬。作禮而退。

地藏菩薩本願經。利益存亡品。第七

爾時地藏菩薩摩訶薩白佛言世尊我觀  
是閻浮衆生舉足動念無非是罪脫獲善  
利多退初心若遇惡緣念念增益是等輩  
人如履泥河負於重石漸困漸重足步深  
邃若得遇知識替與減負或全與負是知  
識有大力故復相扶助勸令牢脚若達平  
地須省惡路無再經歷世尊習惡衆生從  
纖毫間便至無量是諸衆生有如此習臨  
命終時父母眷屬宜爲設福以資前路或  
懸幡蓋及燃油燈或轉讀尊經或供養佛

像。及諸聖像。乃至念佛菩薩。及辟支佛名  
字。一名一號。歷臨終人耳根。或聞在本識。  
是諸衆生。所造惡業。計其感果。必墮惡趣。  
緣是眷屬。爲臨終人。修此聖因。如是衆罪。  
悉皆消滅。若能更爲身死之後。七七日內。  
廣造衆善。能使是諸衆生。永離惡趣。得生  
人天。受勝妙樂。現在眷屬。利益無量。是故  
我今。對佛世尊。及天龍八部。人非人等。勸  
於閻浮提衆生。臨終之日。慎勿殺害。及造  
惡緣。拜祭鬼神。求諸魍魎。何以故。是所殺

害。乃至拜祭。無纖毫之力。利益亡人。但結  
罪緣。轉增深重。假使來世。或現在生。得獲  
聖分。生人天中。緣是臨終。被諸眷屬。造是  
惡因。亦令是命終人。殃累對辯。晚生善處。  
何況臨命終人。在生未曾。有少善根。各據  
本業。自受惡趣。何忍眷屬。更爲增業。譬如  
有人。從遠地來。絕糧三日。所負擔物。強過  
百斤。忽遇隣人。更附少物。以是之故。轉復  
困重。世尊。我觀閻浮衆生。但能於諸佛教  
中。乃至善事。一毛一涕。一沙一塵。如是利

益。悉皆自得。說是語時。會中有一長者。名曰大辯。是長者。以證無生化。度十方。現長者身。合掌恭敬。問地藏菩薩言。大士。是南閻浮提衆生。命終之後。小大眷屬。爲修功德。乃至設齋。造衆善因。是命終人。得大利益。及解脫不。地藏荅言。長者。我今爲未來現在一切衆生。承佛威力。略說是事。長者。未來現在諸衆生等。臨命終日。得聞一佛名。一菩薩名。一辟支佛名。不問有罪無罪。悉得解脫。若有男子。女人在生不修善因。

多造衆罪。命終之後。眷屬小大。爲造福利。一切聖事。七分之一。而乃獲一。六分功德。生者自利。以是之故。未來現在。善男女等。聞健自修。分分已獲。無常大鬼。不期而到。冥冥遊神。未知罪福。七七日内。如癡如聾。或在諸司。辯論業果。審定之後。據業受生。未測之間。千萬愁苦。何況墮於諸惡趣等。是命終人。未得受生。在七七日内。念念之間。望諸骨肉眷屬。與造福力救拔。過是日。後隨業受報。若是罪人。動經千百歲中。無



解脫日。若是五無間罪。墮大地獄。千劫萬劫。永受衆苦。復次長者。如是罪業衆生。命終之後。眷屬骨肉。爲修營齋。資助業道。未齋食竟。及營齋之次。米泔菜葉。不棄於地。乃至諸食。未獻佛僧。勿得先食。如有違食。及不精勤。是命終人。了不得力。如精勤護淨。奉獻佛僧。是命終人。七分獲一。是故長者。閻浮衆生。若能爲其父母。乃至眷屬。命終之後。設齋供養。志心勤懇。如是之人。存亡獲利。說是語時。忉利天宮。有千萬億那

由他闍浮鬼神悉發無上菩提之心。大辯  
長者作禮而退。

地藏菩薩本願經閻羅王衆讚歎品第八

爾時鐵圍山內有無量鬼王與閻羅天子  
俱詣忉利來到佛所。所謂惡毒鬼王。多惡  
鬼王。大諍鬼王。白虎鬼王。血虎鬼王。赤虎  
鬼王。散殃鬼王。飛身鬼王。電光鬼王。狼牙  
鬼王。千眼鬼王。噉獸鬼王。負石鬼王。主耗  
鬼王。主禍鬼王。主食鬼王。主財鬼王。主畜  
鬼王。主禽鬼王。主獸鬼王。主魅鬼王。主產

鬼王。主命鬼王。主疾鬼王。主險鬼王。三目  
鬼王。四目鬼王。五目鬼王。祁利失王。大祁  
利失王。祁利义王。大祁利义王。阿那吒王。  
大阿那吒王。如是等。大鬼王。各各與百千  
諸小鬼王。盡居閻浮提。各有所執。各有所  
住。是諸鬼王。與閻羅天子。承佛威神。及地  
藏菩薩。摩訶薩力。俱詣忉利。在一面立。爾  
時閻羅天子。胡跪合掌。白佛言。世尊。我等  
今者。與諸鬼王。承佛威神。及地藏菩薩。摩  
訶薩力。方得詣此。忉利大會。亦是我等。獲

善利故。我今有小疑事。敢問世尊。唯願世尊。慈悲宣說。佛告閻羅天子。恣汝所問。吾爲汝說。是時閻羅天子。瞻禮世尊。及迴視地藏菩薩。而白佛言。世尊。我觀地藏菩薩。在六道中。百千方便。而度罪苦衆生。不辭疲倦。是大菩薩。有如是不可思議神通之事。然諸衆生。脫獲罪報。未久之間。又墮惡道。世尊。是地藏菩薩。既有如是不可思議神力。云何衆生。而不依止善道。永取解脫。唯願世尊。爲我解說。佛告閻羅天子。南閻

浮提衆生。其性剛強。難調難伏。是大菩薩。於百千劫。頭頭救拔。如是衆生。早令解脫。是罪報人。乃至墮大惡趣。菩薩以方便力。出拔根本業緣。而遣悟宿世之事。自是閻浮衆生。結惡習重。旋出旋入。勞斯菩薩。又經劫數。而作度脫。譬如有人。迷失本家。誤入險道。其險道中。多諸夜叉。及虎狼師子。蛇虵蝮蠍。如是迷人。在險道中。須臾之間。即遭諸毒。有一知識。多解大術。善禁是毒。乃及夜叉。諸惡毒等。忽逢迷人。欲進險道。

而語之言。咄哉男子。爲何事故。而入此路。有何異術。能制諸毒。是迷路。人忽聞是語。方知險道。即便退步。求出此路。是善知識。提携接手。引出險道。免諸惡毒。至于好道。令得安樂。而語之言。咄哉迷人。自今已後。勿履是道。此路入者。卒難得出。復損性命。是迷路。人亦生感。重臨別之時。知識又言。若見知識。及諸路人。若男若女。言於此路。多諸毒惡。喪失性命。無今是衆。自取其死。是故地藏菩薩。具大慈悲。救拔罪苦衆生。

欲生天人中。今受妙樂。是諸罪衆。知有業道苦。脫得出離。永不再歷。如迷路人。誤入險道。遇善知識。引接令出。永不復入。逢見他人。復勸莫入。自言因是迷故。得解脫竟。更不復入。若再履踐。猶尚迷誤。不覺舊曾所落險道。或致失命。如墮惡趣。地藏菩薩方便力。故使令解脫。生人天中。旋又再入。若業結重。永處地獄。無解脫時。爾時惡毒鬼王。合掌恭敬。白佛言。世尊。我等諸鬼王。其數無量。在閻浮提。或利益人。或損害人。

各各不同。然是業報。使我眷屬。遊行世界。  
多惡少善。過人家庭。或城邑聚落。莊園房  
舍。或有男子。女人。修毛髮善事。乃至懸一  
幡一蓋。少香少華。供養佛像。及菩薩像。或轉  
讀尊經。燒香供養。一句一偈。我等鬼王。敬  
禮是人。如過去現在未來諸佛。勅諸小鬼  
各有大力。及土地分。便令衛護。不令惡事  
橫事。惡病橫病。乃至不如意事。近於此舍  
等處。何況入門。佛讚鬼王。善哉善哉。汝等  
及與閻羅。能如是擁護。善男女等。吾亦告



梵王帝釋。令衛護汝。說是語時。會中有一  
鬼王。名曰主命。白佛言。世尊。我本業緣。主  
閻浮人命。生時死時。我皆主之。在我本願。  
甚欲利益。自是衆生。不會我意。致令生死。  
俱不得安。何以故。是閻浮提。初生之時。不  
問男女。或欲生時。但作善事。增益舍宅。自  
令土地。無量歡喜。擁護子母。得大安樂。利  
益眷屬。或已生下。慎勿殺害。取諸鮮味。供  
給產母。及廣聚眷屬。飲酒食肉。歌樂絃管。  
能令子母。不得安樂。何以故。是產難時。有

無數惡鬼及魍魎精魅欲食腥血是我早  
令舍宅土地靈祇荷護子母使令安樂而  
得利益如是之人見安樂故便合設福荅  
諸土地翻為殺害集聚眷屬以是之故犯  
殃自受子母俱損又閻浮提臨命終人不  
問善惡我欲令是命終之人不落惡道何  
況自修善根增我力故是閻浮提行善之  
人臨命終時亦有百千惡道鬼神或變作  
父母乃至諸眷屬引接亡人令落惡道何  
況本造惡者世尊如是閻浮提男子女人

臨命終時。神識昏昧。不辯善惡。乃至眼耳。更無見聞。是諸眷屬。當須設大供養。轉讀尊經。念佛菩薩名号。如是善緣。能令亡者。離諸惡道。諸魔鬼神。悉皆退散。世尊。一切衆生。臨命終時。若得聞一佛名。一菩薩名。或大乘經典。一句一偈。我觀如是輩人。除五無間。殺害之罪。小小惡業。合墮惡趣者。尋即解脫。佛告主命鬼王。汝大慈故。能發如是。大願。於生死中。護諸衆生。若未來世。中有男子。女人。至生死時。汝莫退。是願。摠

令解脫。永得安樂。鬼王白佛。願不有慮。我  
畢。是形念念擁護閻浮衆生。生時死時。俱  
得安樂。但願諸衆生。於生死時。信受我語。  
無不解脫。獲大利益。爾時佛告地藏菩薩。  
是大鬼王。主命者。已曾經百千生。作大鬼  
王。於生死中。擁護衆生。是大士慈悲願故。  
現大鬼身。實非鬼也。却後過一百七十劫。  
當得成佛。号曰無相如來。劫名安樂。世界  
名淨住。佛壽命不可計劫。地藏菩薩。是大  
鬼王。其事如是。不可思議。所度天人。亦不

可限量

地藏菩薩本願經稱佛名号品第九

爾時地藏菩薩摩訶薩白佛言世尊我今  
為未來衆生演利益事於生死中得大利  
益唯願世尊聽我說之佛告地藏菩薩汝  
今欲興慈悲救拔一切罪苦六道衆生演  
不思議事今正是時唯當速說吾即涅槃  
使汝早畢是願吾亦無憂現在未來一切  
衆生地藏菩薩白佛言世尊過去無量阿  
僧祇劫有佛出世号無邊身如來若有男

子女人聞是佛名。暫生恭敬。即得超越四  
十劫。生死重罪。何況塑畫形像。供養讚歎。  
其人獲福無量無邊。又於過去恒河沙劫。  
有佛出世。号寶相如來。若有男子女人。聞  
是佛名。一彈指頃發心歸依。是人於無上  
道。永不退轉。又於過去。有佛出世。号波頭  
摩勝如來。若有男子女人。聞是佛名。歷於  
耳根。是人當得千返生於六欲天中。何況  
志心稱念。又於過去。不可說不可說阿僧  
祇劫。有佛出世。号師子吼如來。若有男子

女人聞是佛名。一念歸依。是人得遇無量  
諸佛。摩頂授記。又於過去。有佛出世。号拘  
留孫佛。若有男子。女人。聞是佛名。志心瞻  
禮。或復讚歎。是人於賢劫。千佛會中。為大  
梵王。得授上記。又於過去。有佛出世。号毗  
婆尸。若有男子。女人。聞是佛名。永不墮惡  
道。常生人天。受勝妙樂。又於過去。無量無  
數。恒河沙劫。有佛出世。号寶勝如來。若有  
男子。女人。聞是佛名。畢竟不墮惡道。常在  
天上。受勝妙樂。又於過去。有佛出世。号寶

相如來。若有男子女人。聞是佛名。生恭敬心。是人不久得阿羅漢果。又於過去無量阿僧祇劫。有佛出世。号袞袞幢如來。若有男子女人。聞是佛名者。超一百大劫。生死之罪。又於過去。有佛出世。号大通山王如來。若有男子女人。聞是佛名者。是人得遇恒河沙佛。廣爲說法。必成菩提。又於過去。有淨月佛。山王佛。智勝佛。淨名王佛。智成就佛。無上佛。妙聲佛。滿月佛。月面佛。有如是等。不可說。佛世尊。現在未來。一切衆生。



若天若人。若男若女。但念得一佛名号。功德無量。何況多名。是衆生等。生時死時。自得大利。終不墮惡道。若有臨命終人。家中眷屬。乃至一人。爲是病人。高聲念一佛名。是命終人。除五無間罪。餘業報等。悉得消滅。是五無間罪。雖至極重。動經億劫。了不得出。承斯臨命終時。他人爲其稱念佛名。於是罪中。亦漸消滅。何況衆生。自稱自念。獲福無量。滅無量罪。

地藏菩薩本願經卷中

釋音

邃雖遂反 槍七羊反 驢力居反 洋餘亮反 剉麓卧反 啗徒敢反 諍

側迸反 喚火貫反 拔蒲撥反 糞方問反 尿乃吊反 鑊蘇果反 鷹

於陵反 鋸居御反 剥北角反 刺七四反 織思廉反 岐翹移反 肯苦等反

鑊胡郭反 沸方味反 赴丑刃反 鏃音疾反 鏢力脂反 攢徂官反 撞徒江反

胷許容反 背補昧反 繳之若反 驅豈俱反 騾落戈反 衛韋穢反 護

胡誤反 涅奴結反 諦都計反 戀力卷反 超敕肖反 越王伐反 彩倉宰反

畫胡卦反 像徐兩反 膠居肴反 漆親告反 假舉下反 繒疾陵反 幢

宅江 醜昌九 陋盧候 頃去穎 貌莫教 瞻職廉 伎

支義 輦補姝 輒陟葉 橫戶音 譏居依 謗禱曠 毀

許委 厭於豔 寐弥二 疋烏光 瘵似界 叫古岸 辯皮剋

殃於良 解胡憊 脫土活 塑尋故 恐丘隴 怖普故 刹

初鎔 族昨木 竊千結 盜徒到 邪似嗟 媯餘針 妾

巫放 趣且句 跪渠季 履力几 負房九 減古斬 省息井

屬市玉 誤五故 資即夷 懸戶消 蓋古愛 辟必益 慎

時刃 颯文兩 颺良獎 據居御 譬匹賜 絕情雪 糧呂張

證諸應 健渠建 癡丑之 孽盧紅 審式荏 墮徒卧

泔古三 棄詰利 遺以追 懇康假 忉都勞



110X
518
1